

VASEGA 3 TEUILA

2023

Faataoto 22:6 ; A'oa'o ia I le tama e tusa ma ona ala; a oo ina toeaina lava o ia, e le te'a ese ai.



Sauniuniga a fanau mo le Faamanatuina o le 20 Tausaga talu ona amata le aoga a Samoa Primary School.

Asiasi tamaiti i le Apollo Cinema e matamata le ata o Elemental. Ua fa'atumulia le fale tifaga i Vasega 1, 3 ma le 6.



Asiasi tamaiti i le Nelson library i Apia. Sa fa'apopototo i luma o le fale o le Malo e fa'atalitali le taimi e sisi ai le tagavai o le Malo Tuto'atasi o Samoa. Sa fa'atino e leoleo lea vaega ao usuina e tamaiti le vii ole fu'a o Samoa.

Tusia ma saunia e Mrs. Marina Sulamanaia.



Olo'o galulue tamaiti I le valiina o a latou canvas. Manaia le fa'atinoina o a latou galuega aua sa fesoasoani le isi I le isi.



Olo'o fa'atino galuega a tamaiti I le Komepiuta. Galulue I le Matematika i Fa'aopoopoga ma toeseaga.

Taimi o la matou galuega sa fa'atino I fafo I le veleina o le vao ma fa'amama le lapisi. E taua lava le ola tumama.



O le aso o ta'aloga. Vaevae i vaega e ta'aalo ai i ta'aloga eseese. E fiafia tele tamaiti I ta'aloga e fa'amalositino ai.

Galuega fa'atino a tamaiti i totonu o le potuaoga i le tusiina o ata o laufanua lanumeamata ma Laufanua ua faaleagaina.

<p><i>O Lo matou Fale Fou</i> Na amata mai lo matou aiga I le faleo’o e ato I lau. Na faigaluega Loa lou tama I le faletupe amata loa ona fau lo matou falepalagi. Fetuao Ualesi</p>	<p><i>O le Esi</i> O le esi e manaia lona aano. E lanusamasama pe a pula. Ou te fiafia e ai ona o le suamalie. E ese le manaia pe a fai ai le kokoesi. Seli Ah Poe</p>	<p><i>O le Togalaau a Tina</i> E toaga lou tina e toto laau i taeao uma e fa’amatagofie ai tafatafa o lo matou fale. Ou te toaga e fui I aso uma ina ia ola lelei. Suiosamoa Leiataua</p>
<p><i>Vaisalo Manaia</i> Sa ou fesoasoani i lou faiaoga e sali niu ma saeu le masoa o le vaisalo. O se taimi muamua lea ua ou ‘ai ai i se vaisalo manaia. O le maoi lea o lo’u tama matua. Mathiahs Tagiilima</p>	<p><i>O le Faiva o lo’u Tama</i> Tiga le tetele o timuga ae lei fa’avaivai ai lo’u tama I le sueina o se ia e fai ai la matou to’onai i le Aso Sa. E a’e mai lona faiva ua tumu lana ola I alogo ma pone. Amaryllis Tuautu</p>	<p><i>Fia Avea A’u Ma Leoleo</i> O la’u miti lava lea e fia avea au ma leoleo i le lumanai. Ou te fia tautua I le atunuu ma vaai le saogalemu o tagata lautele. Ou te fiafia e faasino taavale i luga o le auala. Elijah Schmidt</p>
<p><i>O Aso Timuga</i> Na faateia lo matou aiga I le emo o le uila ua malamalama atoa ai totonu o lo matou fale. Ua tetele timuga ma ua sau le pisi I totonu o lo matou fale. Karl James Lauulu</p>	<p><i>Faamanatuina o le 20 Tausaga</i> O le aso 8 o Setema 2023 na faamanatu ai le atoaga o le 20 tausaga talu ona faavae Samoa Primary School. E ese le mananaia o faafiafiaga sa fai ai. Constance Uatisone</p>	<p><i>E Taua le Suavai</i> A leai se suavai, ua leai ni tagata leai foi ni meaola. E aoga tele le suavai I le olaga o le tagata. Ia faapuna le vai pe a palapala aua e aafia ai le soifua maloloina. Lauina Enari</p>
<p><i>O Lou Nu’u</i> O lo matou nuu e siomia e laau eseese. E toaaga a’oa’o e faamama lapisi I aso uma. E oo foi faletua e toaaga e vele le vao. E iai foi le vai taele e tumu I taelega a tagata. Mosese Mailo</p>	<p><i>O Taaloga</i> Ou te fiafia lava i le taaloga lea o le soka. O afiafi uma ma te o ai ma lau uo I le malae e a’a le polo. E fia avea au ma tama soka tautaua i le lumanai e lauiloa ai foi Samoa. Poese Toomata</p>	<p><i>O Lou Tina</i> O Faalepa le igoa o lou tina. E alofa tele ia te au. E alapo e tapena lau meaai ma faasauni au I le aoga. Ou te toaga e fai feau a lou tina ma fesoasoani I le faiga o le togalaau. Precious Tapumanaia</p>
<p><i>E Taua Laau</i> E taua tele laau aua oloo maua ai le okesene lea oloo tatou manavaina I aso uma. E maua ai foi meaai tatou te aai ai. E aoga foi laau e teuteu ai le falesa. Isaiah Ah Sam</p>	<p><i>O le Taavale a Lou Tama</i> Ua mimita lava si ou tama ua maua lana taavale fou. O lana meaalofa o le atoaga o lona 60 tausaga. Oute toaga e fufulu le taavale a lou tamaaua ou te tietie ai I taimi uma. Dartaniel Foliaki</p>	<p><i>O le Sisigafua</i> Na ou alapo lava e tapena le meaai ma sauni ma te o ma lou tina e matamata I le sisigafua. E manaia faafiafiaga faaleaganuu sa faatino I lea aso. Na ma faaiu I le faleaiga. Adelyn Banse</p>



<p><i>O Le Lotu Tamaiti</i> Ua felanulanuai solo teuga a tama ma teine I lea taeao ua faaosofia ai lava lou mimita aua e fou foi lou ofu na faatau e lou tina. E fai o le feilafi o ofu Seevae, fusiua ao le tele o teuga eseese a tamaiti Emmanuel Jerry.</p>	<p><i>Taelega I le Sami</i> Na uma loa le galuega a le Aoga Aso Sa, alu loa la matou taelega I le sami. Sa fai ai la matou lakapi e tau faatea ai le Lelava. O se aso faalogata ia te au I le manaia o la matou taelega ma au uo. Philip Wendt</p>	<p><i>O Lau Uo</i> O Amaryllis le igoa o lau uo. E nofo I Laulii. E faitau faatasi a maua tusi I taeao uma ae lei amataina le aoga. Ma te taaalo faatasi ma aai faatasi pe a ta le Malologa. Ou te misia lava lau uo pe a tuua le aoga. Gabriel Choo Koon</p>
<p><i>Fia Avea Au ma Inisia</i> Ou te toaga e fai au meaaoga ona e fia avea au ma inisia I le lumanai. Ou te fesoasoani I le mamalu o le atunuu e toe faaleleia a latou taavale pe a leaga. E maua ai foi le tupe e tausi ai lou aiga. Epafroditus Mafutaga</p>	<p><i>O Au</i> O lou igoa o Anelita Samuelu. Ou te nofo i Lefaga. Ou te fiafia I lau aoga o Samoa Primary. O lou tina e faiaoga ao lou tama e faigaluega ile faletelefoni o le Vodafone. Ou te alofa I ou matua. Anelita Samuelu</p>	<p><i>O Aso Timuga</i> Ou te fiafia e taele ma taalo pe a timuga. Ou te fesoasoani foi I lou tina e tatuu tapoleni pe a pisi mai le timu I totonu o le fale. O se aso foi e le malolo ai lou tina I le totonu o lana togalaau. Karisi Fatilua</p>
<p><i>Matamataga I le Faletusi</i> Ua ou mimita lava I lea taeao ina ua ou oo I totonu o le faletusi I Apia. Sa ou faitau ai I le tele o tusi eseese aemaise o le tulimanu oloo iai uma mea sa faameaalofa mai ai Amerika. Talaitupu Kerslake</p>	<p><i>Matamataga I le Maketi</i> E le galo ia te au le aso na alu ai la matou matamataga I le maketi. E fai o le tumutumumu o tagata faatau, ao le felanulanuai o oloa ma le tele o fualaauaina sa faatau ai. Gabriel Paulo</p>	<p><i>O Lau Atoaga Fou</i> Na faatau e lou tama lau atoaga fou o lau meaalofa o lou aso fanau. E lanumumu e I ai ma le ata ole manulele. E ave ai lau meaai I le aoga, ma ou lavalava taalo. Maddyson Groves</p>
<p><i>Fia Avea au ma Fomai</i> E fia avea au ma fomai I le lumanai ou te fesoasoani I tagata mamai. E faainu a latou fualaau ma fai o latou tui. E maua ai foi se tupe e tausi ai ou matua aemaise o lou aiga. Adrian Faolotoi</p>	<p><i>O Lou Tina Matua</i> O lou tina matua ua 70 tausaga O lona soifua, E seese lava I luma o lo matou fale ma vele le vao. O lona maoli lava o le ia ma le faalifu fa'i. E nofo lava I lona faleoo ona ole savili. Niualuga Lolo</p>	<p><i>O ou Faiaoga</i> O ou faiaoga o Mrs Sulamanaia Ma Mrs Baker. Ou te fiafia I ou. Faiaoga ona o le toaaga e fai la matou faitautusi. E fesoasoani ia te au pe a iai se mea ou te fia malamalama atili iai. Tevita Junior Sopa</p>
<p><i>O Lau Fagafao</i> O le maile lau fagafao. O lona igoa o Bingo. E tafulufulua le tino. Ou te toaga e fafaga I le susu ma le polesi. O afiafi uma ma te o ai ma lou tina I le Paka e faasavali ma faataalo ai. Ou te tausi faamaoni I lau maile. AJ Penaia</p>	<p><i>Potuaoga Fou</i> E lua potuaoga fou a lo matou aoga ua maea ona fausia. E vali I le lanumoana e tutusa ma le toniga a le aoga. Ua uma ona teu atoa totonu ma fai le maa. E manaia le tetele o potu toe mama. Nanaalofa Afualo</p>	<p><i>O Lau Meaalofa o le Kirisimasi</i> Na faatau e lou tama lau uati o lau meaalofa o le kirisimasi. Ua ou fiafia ua iai lau uati e tau ai le taimi ou te ala ai e fai au feau. E momoli ai le faafetai I lou tama mo le meaalofa. Sinalagilagi Fruean</p>